

قصة حياة

جتني ظروفا لكدر مستعدة
 قامت تحدد لي الاحـ زان ميعاد
 مرة مع حظي ومـرات ضده
 واليـا تكدر خاطر القلب تزداد
 في دنـية خلقت على الناس نـده
 مردودها للخير تجرح واجهاد
 إتجـي على المظالم وتبيـح سـده
 واتجـي على الظالم تساهيل وامداد
 والصدق فيهما مألقي من يـعه
 والكذب يلقي له مع الناس شهاد
 والـي فقد حق عجز يسترد
 يصـبح على تسديدة الدين معتاد
 ومسكين من راد الزمـن يستبد
 عيت عليه أقدار الايام تنقاد
 تطرح به الدنيا على القـاع مـده
 مثل الفريسة والمقـادير صياد
 ضاعت حياته في لحاف ومـخـده
 عدت عليه ايام بغـفول ورقـاد
 وماله عن دروب الوعر من يـصـده
 ولا هو عن دروب السـلامـات نشاد
 تلطمه موجات القـدر فوق خـده
 وتخطي به الخطوة من بلاد لبلاد
 حبله قريب وعاجـز لا يشـده
 يحسب جميع الناس قاصـين وبعـاد
 عاند حياته لـوحياته تحـده
 وادى سنينه كلها عـناد بعـناد
 إصـحى من الغفلة تـرى العـمر حـده
 للوقت سـجـاته ولـلـمـوت مـيعـاد
 وهـذي هـي الدنـيا تجـي مستـجـده
 تلقا بها المـازح وتلقا بها الجـاد
 قصة حياة ومنـنا مستـمـدة
 ويلزمها تنفيـذ وإخـراج وإعـداد
 عشنا على كف القـدر فوق يـده
 الله خلقنا عبـاد ونفـني له عـباد
 ولا حـاصل للـحي ما كان وـده
 ولا حـاصل للـي يمـوتون مـيـلاد
 ويكفيني انـي من ظـلـوه المـوـده
 ومالي مع الخـسران بالدين مقـعاد
 وإن جتني الغفلة علي اوقـات شـدة
 اصـبـح لها صـداد والقلب صـداد
 وتقدير ربـي مالنا في مـردـه
 ومعارض لتقديره إشـراك والحـاد

حامد زيد